



**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

Admodvm Reverendo, Nobili, Amplissimo, Et Consvltis. Viro. Ac Domino,
D. Ioanni Brassart Ivris Vtrivsqve Doctori, Et Prothonotario Apostolico,
Reverendissimi, Et Illvstrissimi Episcopi Et Principis ...

[urn:nbn:de:hbz:466:1-62169](https://nbn-resolving.org/urn:nbn:de:hbz:466:1-62169)



ADMODVM REVERENDO,
NOBILI, AMPLISSIMO, ET CONSULTIS. VIRO, AC DOMINO,
D. IOANNI BRASSART
IVRIS VTRIVSQUE DOCTORI,
ET PROTHONOTARIO APOSTOLICO,
REVERENDISSIMI, ET ILLUSTRISSIMI
EPISCOPI ET PRINCIPIS SPIRENSIS,
NEC NON SERENISSIMI
MARCHIONIS BADENSIS

RESPECTIVE CONSILIARIO, OFFICIALI, ET SIGILLIFERO, INSIGNIS
Collegiatæ Ecclesiæ ad Omnes Sanctos Canonico, & Decano vigilantissimo,
Mæcenati, & Affini suo colendissimo.
ADM. REVERENDE, NOBILIS, AMPLIS. ET CONSULTIS. VIR, AC DOMINE,
Mæcenas, & Affinis Colendissime:

Du est, quo ex tota animi propensione aliquod obser-
vantia symbolum erga Te molior, sed animus dudum
reluctatus est, & hæsitavit, quia nil reperit hactenus dignum,
quod

quod Tuo Amplissimo offerret Nomini. Verùm cùm jam recens è prælo meo pro Orbis literarii bono (cui additissimum me esse profiteor) denuo in lucem prodibunt publicam omnia Opera Canonica Eximii, & Profundissimi, sacrorum Canonum, primarii in Academia Ingolstadiensi Professoris HENRICI CANISI viri, qui omnem Iurisprudentiæ impensum laborem dulcem reputavit, ac proinde meritus est, ut in omnium ejus scientiæ amatorum assiduis versetur manibus: quem indigitasse, sat laudasse est; maximè cùm Præconem habeat hujus seculi portentum scientiarum IOANNEM CARAMUELEM in Theologia fundamentali Mccclxxxiii. non potui, nec debui cohibere impetum animi mei, quò minus ad nuncupandum Tibi prædicta Opera properaret. Cùm enim post obtentos in celeberrima Vniversitate Herbipolensi summos Iuris utriusque honores, à Reverendissimo & Illustrissimo Episcopo, ac Principe Spirensi ad consilia non modò Ecclesiastico, sed etiam sæculari foro danda assumptus sis; ut juxta Ecclesiasticas Regulas, id est, Sacros Canones jus dicas, ac præterea in partem sollicitudinis Tuæ assumpseris modis omnibus invigilare, ut Canones ab omnibus curæ tuæ commissis non tantùm exactè observentur, sed etiam transgressores eorundem pœnis condignis excipiantur: cui potiùs Opera Iuris Canonici dedificentur, nisi ei, cui incumbit, consilia juxta Canones formare, & transgressorum Conatibus temporari obviare. Porro quàm exactè hæc præstes, hîc enarrarem, nisi eos odisse laudes, qui laudabilia sequuntur, scirem. Quapropter jure merito prædicta juris Canonici opera tuis

sefe manibus, & oculis exhibent, utpote cui ex multiplici capite non parum debeo, & quem ductâ in matrimonium ritu Catholico sorore Affinem veneror. Exoro itaque ne prohibeas meam erga te observantiam, sed patere, ut dum sub tutela Amplitudinis tuæ hæc opera denuo evulgantur, mea erga te perpetuò duratura observantia, & affectus sub omnium oculos ponantur. Hoc facto ego perpetuò obligatus ero, ad Deum exorandum, ut diu admodum Reverendam, nobilem, Amplissimam, & Consultissimam Dominationem tuam salvam & incolumem pro bono communi conservet. sic voveo. Coloniae, pridie Natalitiorum. Divæ Virginis anno 1662.

*Admodum Reverende, nobilis, Amplissima, & Consultissima
Dominationis tuæ.*

Observantissimus Affinis

IOANNES BUSÆUS Civis
& Bibliopola Coloniensis.